



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Culture and Sports**

Broj: 12/01-04-43277/21  
Sarajevo, 10.01.2022. godine

**VLADA KANTONA**

**SKUPŠTINA KANTONA**

n/r Šabaredžović-Klačar Mersiha  
**Sekretar Vlade**  
(Ovdje)

(Ovdje)

Zastupnica Arijana Memić u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo" – Drugi novi prečišćeni tekst -broj 41/12, 15/13, 47/13, 47/15, 48/16, 9/20, i 14/20) na nastavku 45. Radne sjednice Skupštine Kantona Sarajevo, održanom 14.12.2021. godine u okviru tačke dnevnog reda "poslanička/zastupnička pitanja, inicijative i odgovori" uputila je zastupničku inicijativu prema Ministarstvu kulture i sporta Kantona Sarajevo i Javnoj ustanovi Kantonalni zavod za zaštitu kulturno-historijskog i prirodnog naslijeđa Sarajevo, koja glasi:

"Inicijativa za pokretanje i realizaciju projekta obnove fasadnog platna Pravosudne palate u Sarajevu (Univerziteta u Sarajevu)"

**Prilog: Inicijativa zastupnice Arijane Memić**

**Odgovor na zastupničku inicijativu glasi:**

I - Iz Inicijative zastupnice Arijane Memić za pokretanje i realizaciju projekta obnove fasadnog platna Pravosudne palate u Sarajevu (Univerziteta u Sarajevu)" vidi se da postoji Elaborat obnove fasadnog platna pravosudne palate u Sarajevu (Univerziteta u Sarajevu).

Nosilac navedenog projekta je u pravilu vlasnik objekta, odnosno to mogu biti zajedno Ministarstvo pravde i uprave Kantona Sarajevo i Ministarstvo nauke, visokog obrazovanja i mladih Kantona, jer su u ime osnivača - Kantona Sarajevo obavezni su da stvaraju uslove za normalan rad institucija nad kojim vrše nadzor (Kantonalni sud Kantona Sarajevo i Pravni fakultet univerziteta u Sarajevu).

a) Obzirom da je riječ o proglašenom nacionalnom spomeniku radovi se ne mogu izvoditi bez prethodnog odobrenja Ministarstva prostornog uređenja Federacije Bosne i Hercegovine i konstantnog nadziranja od strane nadležne službe zaštite na nivou Federacije Bosne i Hercegovine.



Također Idejni projekat intervencije (intervencija odobrena mjerama zaštite odluke Komisije/povjerenstva za zaštitu nacionalnih spomenika) treba biti prethodno dostavljen Komisiji na mišljenje o usaglašenosti sa odredbama Odluke Komisije, a prije izdavanja saglasnosti nadležnih organa.

**Prilozi: 1. Odluka o proglašenju istorijske građevine – Prvosudna palata u Sarajevu nacionalnim spomenikom Bosne i Hercegovine ("Službeni glasnik BiH", broj 6/19 i 10/20), 2. Odluka o proglašenju Historijskog urbanog krajolika Sarajeva nacionalnim spomenikom Bosne i Hercegovine ("Službeni glasnik Bosne i Hercegovine", broj 1/21) (vidjeti na str. 12. Prilog 3. Proglašeni nacionalni spomenici R.br. 84)**

Radove mogu izvoditi samo licencirane firme za radove na nacionalnim spomenicima čiji spisak se može naći na web stranici Federalnog ministarstva prostornog uređenja.

Kako se ova inicijativa odnosi na kapitalni projekat – nacionalni spomenik, neophodno je:

b) obezbijediti glavni (izvedbeni) projekat sa detaljnim predračunom radova za sufinansiranje iz Budžeta Kantona Sarajevo (ukupno i po etapama) kako bi se znala ukupna vrijednost navedene izgradnje i učešće (jednog ili više) investitora,

c) uz glavni izvedbeni projekat sa predračunom radova, pored gore navedenih mišljenja, odobrenja i nadzora je neophodno obezbijediti zemljišno-knjižnu dokumentaciju: (zk izvadci, posjedovni listovi, kopije katastarskog plana, lokacija objekta, urbanistička i građevinska dozvola, proveden javni tender za izbor najpovoljnijeg izvođača radova),

d) u Budžetu Kantona Sarajevo u 2022. godini ili u naredn(oj)im godinama (zavisno od ukupne vrijednosti projekta i budžetskih mogućnosti), planirati sredstva za realizaciju ovog projekta.

Kada se ispune preduslovi navedeni pod tačkama a) - d) nadležni organi Kantona Sarajevo (Vlada i Skupština Kantona Sarajevo), finansijska sredstva Kantona Sarajevo bi se trebala planirati na pozicijama nosilaca projekta.

Koordinator izrade odgovora  
na skupštinska pitanja i inicijative  
Dragan Vujmilović

**MINISTAR**

**Samir Avdić**

